

ISPOVIJED

Ostavljaju ludu glavu
Mudre ove sijede vlasi
Posljednja se moja želja
Za tobom, živote, gasi
Život me je prevario
Reci, smrti, da l' ćeš ti?
Da li mrijeti ista laž je
Kao što je živjeti?
Život je tek treptaj oka
Godine k'o dani lete
Ja, duboko u svom srcu
Zauvijek ostah d'jete
Nisam željan novca, slave,
Nikakvoga lažnog sjaja
Samo toplog, prijateljskog,
Iskrenoga zagrljaja
Rekao sam čista srca
Sve što mi na duši leži
A oni će: "Lud je ovaj!
Što dalje od njega bježi!"
Ništa više reći neću
Zaista je šutnja zlato
Al' Vas neću ništa manje
Od sveg srca voljet zato